

Bosna i Hercegovina
Federacija Bosne i Hercegovine
Bosansko-podrinjski kanton Goražde
SKUPŠTINA KANTONA
Predsjedavajuća Skupštine

Broj:01- 49-261/16
Goražde, 08. april 2016. godine

J.P. Radio-televizija Bosansko-podrinjskog kantona Goražde

PREDMET: Reagovanje, dostavlja se.-

Poštovani,

Obzirom da ste u Vašoj centralnoj informativnoj emisiji emitovali prilog s press konferencije Kantonalnog odbora Socijaldemokratske partije i Kluba poslanika ove partije u Skupštini BPK Goražde u kojem je izneseno niz neistina i paušalnih ocjena na račun predsjedavajuće Skupštine Bosansko-podrinjskog kantona Goražde, molim Vas da u skladu sa Zakonom objavite *slijedeće*:

REAGOVANJE

Kantonalni odbor SDP-a Bosansko-podrinjskog kantona Goražde i Klub poslanika ove partije u Skupštini BPK-a Goražde su na press konferenciji održanoj 07. aprila 2016. godine iznijeli niz neistinitih, netačnih i neprovjerenih tvrdnji na račun predsjedavajuće Skupštine BPK Goražde pri tom koristeći termin "ilegalne sjednice Skupštine BPK i Kolegija Skupštine BPK" te druge neutemeljene kvalifikacije i neosnovane optužbe na koje ovim putem želim da reagujem.

U srijedu, 06. aprila 2016. godine nije održana zajednička sjednica Kolegija Skupštine i Vlade Bosansko-podrinjskog kantona Goražde, kako to tvrde u SDP-u, već je održan sastanak rukovodstva Skupštine, koji čine predsjedavajuća i dva zamjenika predsjedavajuće Skupštine, sa premijerom i ministrima u Vladi Kantona na čije resore su se odnosili amandmani na prijedlog Budžeta Bosansko-podrinjskog kantona Goražde za 2016. godinu koje su podnijeli zamjenici predsjedavajuće Skupštine BPK Goražde. Kao što je poznato javnosti taj sastanak je bio uspješan jer je na istom dogovoreno rješenje koje je za rezultat imalo povlačenje vitalnog nacionalnog interesa i deblokadu Budžeta za 2016. godinu. Poslanici i članovi SDP-a da su se malo bolje informisali znali bi prave informacije, a ne bi u javnost iznosili netačne i neprovjerene informacije i koristili teške kvalifikacije.

U cilju istinitog i tačnog informisanja javnosti želim da istaknem da nije bilo skrivanja Odluke o pokretanju vitalnog nacionalnog interesa na prijedlog Budžeta BPK za 2016. godinu niti od predsjedavajuće Skupštine BPK Goražde niti od bilo koga drugog u Stručnoj službi Skupštine. Tačno je da su zamjenici predsjedavajuće Skupštine BPK Goražde dostavili na protokol ovu Odluku 09. marta 2016. godine, ali su zatražili da se ne ide s pokrenutim vitalnim nacionalnim interesom dok se ne vidi sudbina uloženih amandmana na Budžet. Pošto amandmani nisu prihvaćeni od strane Vlade BPK Goražde, zamjenici predsjedavajuće Skupštine odlučili su aktivirati Odluku o pokretanju vitalnog nacionalnog interesa na drugom nastavku Godišnje sjednice Skupštine BPK Goražde održanom 29. marta 2016. godine.

Pozivam poslanike SDP-a, a posebno člana Kolegija Skupštine BPK Suada Došla, da imaju bolju komunikaciju i saradnju sa rukovodstvom Skupštine kako bi bili upoznati sa svim aktivnostima rukovodstva Skupštine Bosansko-podrinjskog kantona Goražde i kako bi tačno informisali rukovodstvo Kantonalnog odbora SDP-a i građane putem press konferencija.

PREDSJEDAVALA SKUPŠTINE

Aida Obuća